

Naknada za finansiranje zdravstvene zaštite	Finansijski plan za 2022. godinu			Izmjene i dopune finansijskog plana za 2022. godinu			Index 6/3
	Naknada za zaposlene	Naknada za dodatne radnike sa saglasnostima	Ukupno (1+2)	Naknada za zaposlene	Naknada za dodatne radnike sa saglasnostima	Ukupno (4+5)	
	1	2	3	4	5	6	7
Bruto plaće	27.658.054	1.738.382	29.396.436	31.790.088	2.020.172	33.810.260	115
Topli obrok	1.787.771	117.586	1.905.357	1.787.771	117.586	1.905.357	100
Prevoz	357.139	23.490	380.629	357.139	23.490	380.629	100
Regres	373.611	20.050	393.661	373.611	20.050	393.661	100
Naknada za članove UO i NO	34.840		34.840	34.840		34.840	100
Materijalni troškovi	12.179.090		12.179.090	12.179.090	0	12.179.090	100
<b>UKUPNO</b>	<b>42.390.506</b>	<b>1.899.508</b>	<b>44.290.013</b>	<b>46.522.540</b>	<b>2.181.297</b>	<b>48.703.837</b>	<b>110</b>
Sredstva po Zaključku Vlade KS	330.622		330.622	367.383	0	367.383	111
Naknada za pružanje zdravstvene zaštite u Izolatoriju	244.900		244.900	259.000	0	259.000	106

Naknada za finansiranje zdravstvene zaštite	Finansijski plan za 2022. godinu			Izmjene i dopune finansijskog plana za 2022. godinu			Index 6/3
	Naknada za zaposlene	Naknada za dodatne radnike sa saglasnostima	Ukupno (1+2)	Naknada za zaposlene	Naknada za dodatne radnike sa saglasnostima	Ukupno (4+5)	
	1	2	3	4	5	6	7
Troškovi uništavanja medicinskog otpada	60.000		60.000	60.000	0	60.000	100
Sredstva za finansiranje obaveza po Amandmanu SK za namirenje obaveza prema zdravstvenim ustanovama za prelazak 5 dr. specijalista pedijatrije u JU Opća bolnica "Prim. dr. Abdulah Nakaš"				500.000	0	500.000	
Naknada za rad za specijalizante koji su specijalistički staž započeli u prethodnom periodu- nastavak finansiranja	1.646.658		1.646.658	1.820.088	0	1.820.088	111
Naknada za rad za specijalizante koji će specijalistički staž započeti u tekućoj godini		262.065	262.065	0	290.021	290.021	111
Otpremnine i pomoći	249.742		249.742	249.772		249.772	100
Dodatna sredstva za finansiranje usluga patohistologije			0	100.000	0	100.000	
<b>SVEUKUPNO</b>	<b>44.922.428</b>	<b>2.161.572</b>	<b>47.084.000</b>	<b>49.878.783</b>	<b>2.471.318</b>	<b>52.350.100</b>	<b>111</b>
Broj finansiranih radnika	792	78	870	792	78	870	100
Broj finansiranih specijalizanata	39	6	45	39	6	45	100
Procenat finansiranja	98%	98%	98%	98%	98%	98%	100

## Član 3.

Daje se saglasnost direktoru Zavoda zdravstvenog osiguranja Kantona Sarajevo da u skladu sa izvršenom preraspodjelom između pozicija Finansijskog plana potpiše aneks ugovora o pružanju zdravstvene zaštite sa JU Opća bolnica "Prim. dr. Abdulah Nakaš".

Zadužuje se stručna služba Zavoda da dio prestalih sredstava po zahtjevu ustanove planira u Finansijskom planu za 2023. godinu u skladu sa godišnjom dinamikom izvršenja ugovora koje je ustanova zaključila sa odabranim pružaocima usluga.

## Član 4.

Odluka stupa na snagu danom donošenja, a primjenjivati će se po dobivanju saglasnosti Ministarstva zdravstva Kantona Sarajevo.

Broj 01/2-02-2-13975-15/22

12. septembra 2022. godine

Sarajevo

Predsjednica Upravnog odbora  
Prof. dr. **Jasmina Selimović**, s. r.**GRAD SARAJEVO****Gradsko vijeće**

Na osnovu člana 26. stav (1) tačka 2. i tačka 18. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na 19. sjednici održanoj dana 05.10.2022. godine, donijelo je

**ODLUKU****O USLOVIMA I NAČINU DODJELE "ŠESTOAPRILSKE  
NAGRADE GRADA SARAJEVA"****POGLAVLJE I - OPĆE ODREDBE**

## Član 1.

(Predmet Odluke)

Ovom odlukom određuju se uslovi za dodjelu "Šestoaprilske nagrade Grada Sarajeva" (u daljnjem tekstu: Nagrada), postupak i način dodjele Nagrade, organ koji provodi postupak po raspisanom Javnom pozivu i utvrđuje prijedlog dobitnika Nagrade, oblik i izgled Nagrade, i druga slična pitanja vezana za postupak, uslove i načine dodjele Nagrade.

## Član 2.

(Oblasti u kojima se Nagrada dodjeljuje)

(1) Nagrada iz člana 1. ove odluke dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede
- nauke i obrazovanja
- kulture i umjetnosti
- sporta
- zdravstva i socijalne zaštite
- drugim oblastima rada i stvaralaštva, bez obzira na godinu ostvarenja, a koji doprinose ukupnom unaprjeđenju, promociji i razvoju grada Sarajeva, kao glavnog grada Bosne i Hercegovine i Federacije Bosne i Hercegovine.

## Član 3.

(Značajna ostvarenja)

Pod značajnim ostvarenjima, u smislu ove odluke, podrazumijeva se djelovanje i rezultati ostvareni u kontinuitetu koji se smatraju doprinosom razvoju odgovarajuće oblasti, u

skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Član 4.  
(Kriteriji)

(1) Kriteriji za dodjelu nagrade, bez obzira na oblast su:

a) za pojedince i grupe

- 1) dobrotvorno, humanitarno, socijalno, edukativno i drugo djelovanje namijenjeno većem broju korisnika, građana Bosne i Hercegovine kojima su uskraćena politička, građanska ili ljudska prava, socijalno isključenih, marginaliziranih ili ugroženih društvenih grupa unutar Bosne i Hercegovine, a putem kojih je grad Sarajevo pozitivno promoviran;
- 2) donatorski, humanitarni i sponzorski portfolio za društveno-korisne aktivnosti;
- 3) izuzetan doprinos u odbrani države Bosne i Hercegovine;
- 4) postizanje značajnih domaćih i međunarodnih rezultata u oblasti nauke, obrazovanja, zdravstva, socijalne zaštite, kulture, sporta, amaterskog stvaralaštva i drugih društvenih djelatnosti ili najboljih rezultata u teorijskom i praktičnom radu na pojedinom području javnog djelovanja;
- 5) doprinos unaprjeđenju radnih procesa kreativnim radom ili inovacijama;
- 6) dobivanje domaćih i međunarodnih priznanja za vlastite inovacije i rezultate kojima se promoviše grad Sarajevo i/ili Bosna i Hercegovina;
- 7) objavljivanje, prikazivanje, izlaganje, izvođenje ili prezentovanje na neki drugi način vlastitih ostvarenja značajnih za širu zajednicu;

b) za kolektiv

- 1) društveno-odgovorno djelovanje u kontinuitetu, uz puno poštivanje zakonskih normi, prava radnika i dokazanu brigu za zajednicu;
- 2) upošljavanje većeg broja radnika;
- 3) ostvarivanje značajne dobiti u poslovanju;
- 4) vršenje znatnijih ulaganja u proširenje proizvodnih i drugih kapaciteta;
- 5) postizanje poslovnih uspjeha na nivou međunarodnih standarda;
- 6) najmanje pet godina postojanja i kontinuiranog djelovanja;
- 7) renome uzornog pravnog lica.

(2) Neovisno o ispunjavanju kriterija za dodjelu Nagrade iz prethodnog stava ovog člana, prilikom razmatranja kandidature vodiće se računa da kandidat za dodjelu Nagrade posjeduje društveni ugled i visoke moralne vrijednosti.

## POGLAVLJE II - POSTUPAK DODJELE I IZUZEĆA

### Član 5. (Javni poziv)

- (1) Dodjela Nagrade vrši se objavljivanjem Javnog poziva za predlaganje kandidata za dodjelu Nagrade, a koji upućuje Odbor za dodjelu "Šestoaprilske nagrade Grada Sarajeva" (u daljnjem tekstu: Odbor), imenovan odlukom Gradskog vijeća Grada Sarajeva.
- (2) Javni poziv se objavljuje u sredstvima javnog informisanja i zvaničnoj web stranici Grada Sarajeva i ostaje otvoren 45 dana, računajući od dana posljednje objave.

(3) Javni poziv će putem nadležne Stručne službe za poslove Gradskog vijeća Grada Sarajeva biti dostavljen i afirmiranim strukovnim udruženjima od značaja, kao i sindikatima iz oblasti u kojima se Nagrada dodjeljuje.

### Član 6.

(Dobitnici Nagrade)

(1) Nagrada se dodjeljuje:

- a) Pojedincu;
- b) Kolektivu (grupi okupljenih pojedinaca na realizaciji određenih poslova s rezultatima koji se mogu razmatrati u kandidaturi za dodjelu nagrade kao značajna ostvarenja, odnosno značajni rezultati rada ako se njihova ostvarenja, odnosno rezultati rada odnose na doprinos Sarajevu, privatnom ili javnom privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na doprinos gradu Sarajevu).
- c) Pojedinaac kojem se dodjeljuje Nagrada mora biti državljanin Bosne i Hercegovine, dok kolektiv mora djelovati ili biti registrovan za obavljanje svoje djelatnosti na teritoriji Bosne i Hercegovine.

### Član 7.

(Izuzeća)

- (1) Nagrada se ne može dodijeliti organima uprave svih nivoa vlasti u Bosni i Hercegovini, političkim strankama/partijama, domaćim i međunarodnim političkim organizacijama i fondacijama, izabranim funkcionerima, poslanicima, vijećnicima svih nivoa vlasti u Bosni i Hercegovini i njihovim srođnicima za vrijeme trajanja njihovog mandata, kao ni zaposlenima u organima uprave svih nivoa vlasti Bosne i Hercegovine za ostvarenja koja se odnose na djelovanje u okviru djelokruga posla koji vrše u organu uprave.
- (2) Nagrada se ne može dodijeliti ni kandidatima protiv kojih se vodi krivični postupak, kao ni kandidatima koji su osuđeni pravosnažnom odlukom nadležnog suda.

## POGLAVLJE III - IZGLED, SADRŽAJ I TERMIN DODJELE NAGRADE

### Član 8.

(Izgled Nagrade - povelja)

- 1) Nagrada se dodjeljuje u obliku povelje, uz novčani iznos koji odlukom utvrđuje Gradsko vijeće Grada Sarajeva, na prijedlog Administrativne komisije.
- 2) Kada se Nagrada dodjeljuje grupi, svaki član grupe dobiva povelju identičnog sadržaja, sa naznačenim imenima i prezimenima svih članova grupe.
- 3) U slučaju da se Nagrada dodjeljuje grupi, novčani dio nagrade iz stava (1) ovog člana raspoređuje se članovima grupe na jednake dijelove.

### Član 9.

(Sadržaj povelje)

- (1) Povelja sadrži sljedeći tekst: "BOSNA I HERCEGOVINA, FEDERACIJA BOSNE I HERCEGOVINE, KANTON SARAJEVO, GRAD SARAJEVO", sa suhim grbom Grada Sarajeva, centriranim na vrhu stranice formata A3.
- (2) Ispod teksta iz stava (1) ovog člana, ispisuje se sljedeći tekst: "Na osnovu Odluke Gradskog vijeća Grada Sarajeva o dodjeli "Šestoaprilske nagrade Grada Sarajeva", broj , dodjeljuje se "ŠESTOAPRILSKA NAGRADA GRADA SARAJEVA" (tekst na sredini Povelje), ime i prezime

lica, odnosno imena članova grupe ili naziv kolektiva kojima se Nagrada dodjeljuje.

- (3) Ispod teksta iz stava (2) ovog člana, ispisuje se kratko obrazloženje, odnosno navodi oblast rada i stvaralaštva u kojoj je dobitnik Nagrade ostvario značajne rezultate.
- (4) U donjem lijevom uglu povelje je oznaka datuma, mjesta i broja odluke, a u donjem desnom uglu je potpis gradonačelnika Grada Sarajeva.
- (5) Uz povelju se uručuje i Odluka Gradskog vijeća Grada Sarajeva o dodjeli "Šestoapriilske nagrade Grada Sarajeva" za odgovarajuću godinu, kojom se utvrđuje vrsta i sadržaj Nagrade, dobitnik Nagrade, te naznaka da se Nagrada uručuje od strane gradonačelnika Grada Sarajeva i predsjedavajućeg Gradskog vijeća Grada Sarajeva, na svečanoj sjednici Gradskog vijeća.

Član 10.

(Ograničenja)

- (1) U jednoj godini mogu se dodijeliti najviše dvije Nagrade, bez obzira na oblast i bez obzira da li se radi o pojedinačnoj ili kolektivnoj Nagradi.
- (2) Nagrada se istom licu, bez obzira na kategoriju dobitnika Nagrade, može dodijeliti samo jedanput.

Član 11.

(Termin dodjele Nagrade)

- (1) Nagrada se dodjeljuje svake godine i uručuje 6. aprila na Svečanoj sjednici Gradskog vijeća.
- (2) Samo izuzetno, u slučajevima vanrednih nepredviđenih okolnosti, kao što su stanje elementarne i druge nesreće, i drugim sličnim nepredviđenim situacijama, Nagrade se mogu uručiti u drugom terminu, o čemu odlučuje Kolegij Gradskog vijeća, na prijedlog predsjedavajućeg Gradskog vijeća.
- (3) Nagradu uručuje gradonačelnik Grada Sarajeva i predsjedavajući Gradskog vijeća Grada Sarajeva.

#### **POGLAVLJE IV - PREDLAGANJE KANDIDATA I RAD ODBORA**

Član 12.

(Predlaganje kandidata)

- (1) Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica sa područja grada Sarajeva, kao i raniji dobitnici "Šestoapriilske nagrade Grada Sarajeva".
- (2) U slučaju da Nagradu predlaže grupa od najmanje 200 građana kako je to predviđeno u prethodnom stavu ovog člana, dužna je u pismenoj formi dostaviti spisak građana koji obavezno mora da sadrži: puno ime i prezime građanina, broj lične karte i organ izdavanja sa područja grada Sarajeva i svojeručni potpis građanina.
- (3) Subjekti iz stava (1) ovog člana nemaju pravo isticanja sopstvene kandidature za Nagradu.
- (4) Prijedlog iz stava (1) ovog člana podnosi najviši kolektivni organ upravljanja u skladu sa zakonom ili najvišim pravnim aktom tog organa, i to odlukom tog organa o podnošenju prijedloga kandidata za Nagradu. Predlagač je dužan dostaviti pismenu saglasnost kandidata da prihvata kandidaturu za predloženu oblast, kao i izvod iz važećeg zakona ili najvišeg pravnog akta kojim dokazuje daje riječ o najvišem kolektivnom organu upravljanja.
- (5) Pravo predlaganja kandidata za Nagradu ima i gradonačelnik Grada Sarajeva.
- (6) Političke stranke/partije ne mogu biti predlagači kandidata za Nagradu.

- (7) Za dodjelu Nagrade ne može se predložiti kandidat koji u momentu predlaganja nije živ.

Član 13.

(Sadržaj prijedloga)

- (1) Prijedlog kandidature dostavlja se u dva (2) primjerka sa detaljnim podacima i obrazloženjem i potrebnom dokumentacijom.
- (2) Obrazloženje treba da sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže za dodjelu Nagrade.

Član 14.

(Odbor)

- (1) Gradsko vijeće Grada Sarajeva imenuje Odbor iz člana 5. Odluke i to najkasnije na oktobarskoj sjednici Gradskog vijeća.
- (2) Odbor iz stava (1) ovog člana čini ukupno 13 članova, i to sedam članova Komisije za izbor i imenovanja Gradskog vijeća i šest članova iz reda istaknutih javnih djelatnika iz oblasti:
  - a) privrede;
  - b) nauke i obrazovanja,
  - c) kulture i umjetnosti;
  - d) sporta;
  - e) zdravstva i socijalne zaštite;
  - f) drugih oblasti rada i stvaralaštva, za koje se Nagrada dodjeljuje.
- (3) Članovi Odbora iz reda istaknutih javnih djelatnika mogu biti i raniji dobitni "Šestoapriilske nagrade Grada Sarajeva".
- (4) Kolegij Gradskog vijeća Grada Sarajeva kandidira Komisiji za izbor i imenovanja kandidate za članove iz reda istaknutih javnih djelatnika iz prethodnog stava, vodeći računa o ravnopravnoj zastupljenosti oba spola.
- (5) Komisija za izbor i imenovanja utvrđuje prijedlog i upućuje ga Gradskom vijeću Grada Sarajeva na razmatranje i usvajanje.
- (6) Predsjedavajući i zamjenik predsjedavajućeg Odbora se biraju na prvoj sjednici Odbora.

Član 15.

(Poslovnik o radu Odbora)

- (1) Odbor iz prethodnog člana ove odluke, na prvoj sjednici donosi Poslovnik kojim se uređuje način rada Odbora, a posebno se definiše tajnost rada Odbora u pogledu njihovog rada, načina razmatranja kandidatura i glasanja i imena kandidata za dodjelu do donošenja konačne odluke Gradskog vijeća o dodjeli Nagrade, a kako je to detaljnije definisano ovom odlukom.
- (2) Poslovníkom iz prethodnog stava ovog člana uredit će se i zajedničko razmatranje predloženih kandidata od strane članova Odbora prije procesa glasanja.

Član 16.

(Nadležnost Odbora u pogledu prijedloga)

Ukoliko Odbor u toku postupka za dodjelu "Šestoapriilske nagrade Grada Sarajeva" utvrdi da predloženi kandidat ispunjava uslove za neku drugu oblast, Odbor može predložiti da se o njegovoj kandidaturi glasa u drugoj oblasti.

Član 17.

(Postupak pred Odborom)

- (1) U prvom krugu članovi Odbora glasanjem utvrđuju liste kandidata koji zadovoljavaju uslove propisane Odlukom i Javnim pozivom u pojedinačnim oblastima.
- (2) U drugom krugu glasanja Odbor primjenjuje način bodovanja preciznije utvrđen Poslovníkom o radu te Gradskom vijeću predlaže najmanje dva (2) prvorangirana kandidata, ako ih je bilo dva ili više, u suprotnom jednog

ukoliko je jedan kandidat dobio minimalan broj bodova većine od ukupnog broja članova Odbora.

- (3) Gradsko vijeće donosi konačnu Odluku javnim glasanjem na sjednici Gradskog vijeća zatvorenoj za javnost.

Član 18.

(Postupak sa prijedlozima koji ne ispunjavaju uslove)

Ukoliko Odbor ocijeni da određeni prijedlog kandidata ne ispunjava uslove za dodjelu Nagrade, Odbor može uputiti inicijativu prema ovlaštenim predlažućima, gradskim vijećnicima, gradonačelniku, da podnesu prijedlog za dodjelu drugog priznanja ili nagrade Grada Sarajeva, u skladu sa Odlukom o priznanjima i nagradi Grada Sarajeva.

Član 19.

(Tajnost u radu Odbora)

- (1) Članovi Odbora se obavezuju na tajnost svih podataka o kandidatima.
- (2) Članovi Odbora se obavezuju da neće davati izjave u medije ili preko društvenih mreža, sve do zvanično upućenog prijedloga odluke/a Gradskom vijeću Grada Sarajeva.
- (3) Član koji prekrši obaveze iz prethodnih stavova ovog člana suspenduje se od daljnjeg rada u Odboru većinom glasova članova Odbora.
- (4) Obrazloženi prijedlog za suspenziju može uputiti bilo koji član Odbora, gradski vijećnik i gradonačelnik.

Član 20.

(Naknada)

Članovi Odbora imaju pravo na naknadu za svaku održanu sjednicu u istoj visini naknade koja je utvrđena kao i za ostala radna tijela Gradskog vijeća Grada Sarajeva.

Član 21.

(Finansijska sredstva)

Sredstva za dodjeljivanje Nagrade, kao i sredstva za rad Odbora obezbjeđuju se u Budžetu Grada Sarajeva i Odluci o izvršenju Budžeta.

Član 22.

(Mandat članova Odbora)

Mandat članova Odbora prestaje usvajanjem izvještaja o radu Odbora od strane Gradskog vijeća Grada Sarajeva.

## POGLAVLJE V - ODUZIMANJE NAGRADE I POSTHUMNA DODJELA

Član 23.

(Postupak oduzimanja Nagrade)

- (1) Dodijeljena Nagrada može se oduzeti.
- (2) Pod oduzimanjem Nagrade podrazumijeva se oduzimanje Povelje i dodijeljenih novčanih sredstava.
- (3) Nagrada se oduzima ako je dobitnik Nagrade pravosnažnom sudskom presudom osuđen od strane Međunarodnog suda za ratne zločine počinjene na teritoriji bivše Jugoslavije ili od bilo kojeg suda sa područja Bosne i Hercegovine za neko krivično djelo ili ukoliko je svojim dokazanim djelovanjem na bilo koji način narušio ugled grada Sarajeva i države Bosne i Hercegovine.
- (4) Zvanični prijedlog za oduzimanje Nagrade može po saznanju ili prijavi bilo kojeg lica o ispunjenosti uslova za oduzimanje Nagrade podnijeti gradonačelnik ili gradski vijećnik, a isti se potom dostavlja Komisiji za izbor i imenovanja Gradskog vijeća Grada Sarajeva koja ispituje opravdanost zahtjeva i, u slučaju da utvrdi osnovanost zahtjeva, podnosi prijedlog Odluke o oduzimanju dodijeljene Nagrade Gradskom vijeću Grada Sarajeva.

Član 24.

(Oduzimanje Nagrade)

- (1) O oduzimanju nagrade odlučuje Gradsko vijeće Grada Sarajeva.
- (2) Odluka o oduzimanju Nagrade objavljuje se u "Službenim novinama Kantona Sarajevo" i sredstvima javnog informisanja, kao i na zvaničnoj web stranici Grada Sarajeva, a dobitniku Nagrade se šalje i pismena obavijest.
- (3) Dobitnik Nagrade kojem je oduzeta Nagrada je dužan u roku od najkasnije 30 dana od dana stupanja na snagu Odluke o oduzimanju Nagrade, Gradu Sarajevu vratiti dodijeljenu Povelju i cjelokupni isplaćeni iznos, a što se zapisnički konstatuje.

Član 25.

(Posthumna uručjenja Nagrade)

Ukoliko priznanje, odnosno Nagrada nije uručena dobitniku za života, predaje se članovima uže porodice (bračni drug, djeca, usvojenici i roditelji), ili izuzetno, drugom članu porodice ukoliko dobitnik nema članova uže porodice i o tome se izdaje potvrda.

## POGLAVLJE VI – PRELAZNE I ZAVRŠNE ODREDBE

Član 26.

(Ravnopravnost spolova)

Odredbe ove odluke odnose se podjednako na lica muškog i ženskog spola, bez obzira na rod imenice upotrebljen u tekstu ovog propisa.

Član 27.

(Stručni i administrativni poslovi)

Stručne i administrativne poslove za potrebe Odbora, kao i evidencije o dodijeljenim Nagradama, vrši Stručna služba za poslove Gradskog vijeća Grada Sarajeva.

Član 28.

(Prestanak važenja dosadašnje Odluke)

Danom stupanja na snagu ove odluke prestaje da važi Odluka o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 28/19).

Član 29.

(Stupanje na snagu Odluke)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1461/22

05. oktobra 2022. godine

Sarajevo

Predsjedavajući

Gradskog vijeća

Jasmin Ademović, s. r.

## OPĆINA CENTAR SARAJEVO

### Općinski načelnik

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik donosi